

Акафист Пресвятей Богородице иконы ради Ея,
Овиновская именуемая.

Кондак 1

Избранная Дѣво Маріе, Царіце наша Богородице, осенівшая страну Галичскую ангелохвальным явлѣнием иконы Своея, благодарственная возсылаем Ти раби Твой, Владычице: Радуйся, Мати Божия, зѣмлю Галичскую образом Своим охраняющая.

Икос 1

Ангел сонмы на небеси и христиан множества на земли радуются о Тебѣ, Мати наша, и радостно приносят Ти целованіе сицевое: радуйся, Благодатная, Господь с Тобою. Мы же, знамение видяще благоволения Твоего к земли сей, со умилѣнием взываем:

Радуйся, людем града Галича небесное утешение;
радуйся, иночествующим обители Никольския покров
и защищение.

Радуйся, преподобнаго Паисия укрепление;
радуйся, всего собора святых Галичских увеселение.
Радуйся, иконою Твоею в скорбех всем помогающая;
радуйся, во дни и в нощи обитель и град
покрывающая;

Радуйся, от бед страну нашу ограждающая;
радуйся, печаль нашу в радость претворяющая.

Радуйся, Мати Божия, зѣмлю Галичскую образом
Своим охраняющая.

Кондак 2

Видим, Святая Дѣво, Твое милостивое промысление, яко покров Божественный, распростертый над градом Галичем в предивней любви Материнстей Твоей к людем. Ты, Всемилостивая Госпоже, явила еси икону

Твою во обители Никольской, да созиждется храм во имя Успения Твоего, а може людие и иноцы да притекают и со слезами воспевают песнь: Аллилуиа.

Икос 2

Разума превышшему явлению иконы Твоея ужасся, благочестивый ктиитор, боярин Иоанн, образу Твоему, Владычице, поклонися до земли, людие же с трепетом вопияху к Богородице:

Радуйся, Одигитрие, чинми ангельскими носимая;
радуйся, Купино Неопалимая.

Радуйся, всякая сумнения боярина Овинова отринувшая;

радуйся, новое место пребывания Своего показавшая.

Радуйся, в день Успения Твоего двема ангелом а зде являемая;

радуйся, материнскою любовию всех согревающая.

Радуйся, всех скорбящих радостью осиявающая;

радуйся, пришествием Твоим град Твой прославляющая.

Радуйся, Мати Божия, землю Галицкую образом Своим охраняющая.

Кондак 3

Силою свыше укрепися от Тебе, Всеблагая Богородице, ктиитор, егда услыша Божественный глас об устройении храма в честь Успения Твоего, Пречистая Дево, и со благоговением облобыза образ Твой, благодарственно поя Богу: Аллилуиа.

Икос 3

Имуще богатство милосердия, Богомати, всем людем руку помощи простираеши. Сего ради и игумен обители сея преподобный Пайсий, на Тя упование возложив,

благоговѣйнаго страха и радости от видѣния сего исполненный, помазоваше себѣ и братию елѣем от иконы Твоея, и тепле возсылаше Тебѣ таковая:

Радуйся, яко икона Твоя, свѣтлыми ангелы носимая, воздух освяти;

радуйся, яко образ Твой всю страну Галичскую просвети.

Радуйся, всяк возраст посещаящая;

радуйся, младенцы, яко Мати, окормляющая.

Радуйся, сироты и вдовицы призревающая;

радуйся, иночествующих благодатно охраняющая.

Радуйся, благою мысль на сердце полагаящая;

радуйся, людей Твоих Радосте нечаянная.

Радуйся, Мати Божия, землю Галичскую образом Своим охраняющая.

Кондак 4

Бурею нашѣствия междуособиц лютых Галичская земля поколебася, сродницы врази содеяшася и князие Василій и Георгій Галичскій друг на друга возсташа. Ты же, Всемилостивая Мати, явившая миру всему образ терпѣния и злострадания при Крестѣ Сына Твоего, научи люди галичскія в пещи искушений и бед взывати Богу: **Аллилуиа.**

Икос 4

Слышав о Твоем, о Всепетая Мати, грядущем отшествии из града Галича, о изнесении иконы Овиновскія во град Москву князем Василіем Тѣмным, преподобный Пайсий со слезами увещая его образ оставить. Обаче князь, не внимая воздыханием сердечным, повелѣ со стражею совершити пренесение.

Людіе же вси, почитающи пречистый лик Твой, Богомати, вопияху к Тебе, Царице небес и земли:

Радуйся, град Галич яко малый Назарет Твоим пребыванием возвеличившая;

радуйся, прошения людей земли Галичския во благо исполняющая.

Радуйся, всех сирых защищающая;

радуйся, всех верных утешающая.

Радуйся, иконою Твоею Овиновскою Москву посетившая;

радуйся, людям московским благословение источившая.

Радуйся, любовь Твою к обители возвращением явившая;

радуйся, мир глубокий враждовавшим даровавшая.

Радуйся, Мати Божия, землю Галичскую образом Своим охраняющая.

Кондак 5

Боготечную звезду зрим икону Твою, о милостивая Дево, юже хотящи паки возвратити галичской Никольской обители, Пречистая Богомати, рекла еси преподобному Пайсию: прими икону Мою. Вшед наутрие во храм и обрет икону на месте своем стоящую, с трепетом и со слезами благодарными усты воззва преподобный к Богу: Аллилуиа.

Икос 5

Видевше возвращение чудное иконы Твоея, яже мною стражею охраняема бе во Успенском соборе града Москвы, обаче силою Божиею во едину ночь пренесся во обитель Никольскую, вси людие земли Галичския благодарне возопиша Богородице:

Ра́дуйся, еди́ная Ра́досте на́ша;
ра́дуйся, еди́ная на́ша Отра́до.
Ра́дуйся, к землі Га́личской благоволе́ние;
ра́дуйся, от междоусо́бных бра́ней избавле́ние.
Ра́дуйся, в ско́рбех ско́ро помога́ющая;
ра́дуйся, ве́рных и мало́верных от бед спаса́ющая.
Ра́дуйся, честны́м Покро́вом Твои́м нас осеня́ющая;
ра́дуйся, печа́ль на́шу в ра́дость претворя́ющая.
Ра́дуйся, Ма́ти Бо́жия, зе́млю Га́личскую о́бразом
Свои́м охраня́ющая.

Кондак 6

Пропове́дует землі Га́личская предивна́я чудеса́ Твоя́,
Богома́ти, я́же на ве́рныя чрез святу́ю ико́ну Твою́
Ови́новскую благода́тно излива́еши: боля́щим исцелёния
пода́еши и всем в земны́х испытáниях по́мощь Твою́
простира́еши, вопи́ющим к Бо́гу: Аллилу́иа.

Икос 6

Возсия́ но́вая благода́ть от ико́ны Твоея́ Ови́новския
немерца́ющею заре́ю чудес, Пресвята́я Де́во; и оби́тель
Нико́льская но́вое и́мя при́ят в честь Успёния Твоего́, в
нейже ино́цы и вси лю́дие, обра́дованныи Твои́м
заступле́нием, с весели́ем вопи́ют Тебе́ сицевáя:

Ра́дуйся, о поми́ловании нас грёшных умоля́ющая;
ра́дуйся, на путь смире́ния и терпе́ния наставля́ющая.
Ра́дуйся, оскуде́ние оби́тели Твоея́ восполня́ющая;
ра́дуйся, скорбь на́шу в ра́дость претворя́ющая.
Ра́дуйся, от враго́в ви́димых и неви́димых
защища́ющая;
ра́дуйся, от мно́гих бед нас избавля́ющая.
Ра́дуйся, всякий недуг исцеля́ющая;
ра́дуйся, от падёния нас охраня́ющая.

Ра́дуйся, Ма́ти Бо́жия, зѣмлю Га́личскую о́бразом
Свои́м охраня́ющая.

Кондак 7

Хо́тя прощѣние прія́ти, князь Васи́лий стра́ха Бо́жия
испо́лнися, егда́ услы́ша о пренесе́нии небѣснем
чудотво́рныхя ико́ны Ови́новския из гра́да Москвѣ́ в
Га́лич: сегó ра́ди со слеза́ми припаде́ ко о́бразу
Богома́тере; услы́шан же в молении своемъ бывъ, те́пле
 возо́пи Бо́гу: Аллилу́иа.

Икос 7

Но́вое зна́мение бысть в преде́лах Га́личскихъ, егда́
князь Васи́лий во искупле́ние своея́ вины́ повеле́
устро́ити но́вую оби́тель и храмъ во и́мя Васи́лия
Вели́каго. Те́мже и мы взыва́ем к Богоро́дице:

Ра́дуйся, чу́дно оби́тель ино́ческую созда́вшая;
ра́дуйся, хра́му свята́го Васи́лия в нейъ бы́ти
изво́лившая.

Ра́дуйся, благослове́ние подвижа́ющимся дарова́вшая;
ра́дуйся, ве́рно живу́щия любо́вию Твое́ю
утеша́ющая.

Ра́дуйся, прило́ги вра́жия от оби́телей отража́ющая;

ра́дуйся, прило́ги мы́сленныя отгоня́ти науча́ющая.

Ра́дуйся, на труды́ и по́двиги ино́ки вразумля́ющая;

ра́дуйся, па́мьть сме́ртную стяжева́ти наставля́ющая.

Ра́дуйся, Ма́ти Бо́жия, зѣмлю Га́личскую о́бразом
Свои́м охраня́ющая.

Кондак 8

Стра́нники и пришѣльцы есмь́ в ми́ре семъ мы
бренни́и, те́мже мо́лим Тя, Богома́ти, и про́сим: не лиш́и
нас Твоея́ по́мощи и заступле́ния, да сподо́бимся Тебе́
хвале́бную пе́ти песнь: Аллилу́иа.

Икос 8

Всем, в скорбех житейских обуреваемым, воистинну явися благодатная отрада образ Твой, именуемый Овиновский, к немуже мы ныне приходяще, вопием Ти со умилением:

Радуйся, бед и напастей незримое избавление;

радуйся, грешников кающихся прощение.

Радуйся, усердное о нас пред Богом заступление;

радуйся, ежечасное всех верных охранение.

Радуйся, недугов телесных исцеление;

радуйся, от уз демонских освобождение.

Радуйся, воздыхания наша не отвергающая;

радуйся, щедроты и милости Твоя на нас изливающая.

Радуйся, Мати Божия, землю Галичскую образом Своим охраняющая.

Кондак 9

Всякое тщание о хранении Твоего дивнаго образа иноцы обители Успенския да имут Твоею помощию, Богомати, и, подвизающиеся в постѣ, молитве и бдении, ноцию и днем молятся пред ним и Богу вопиют: Аллилуиа.

Икос 9

Ветийство наше не довлѣет ко изглаголаню всех чудес от Твоея иконы, Богородице Дѣво, ведомых нам и неведомых. Но Ты, яко милосердная Мати, научи нас взывати к Тебѣ верно:

Радуйся, благодатная Богородице Дѣво;

радуйся, милости подательнице.

Радуйся, теплая о нас Ходатаице;

радуйся, всеблагая Вратарнице.

Ра́дуйся, к го́рнему ми́ру ум наш направля́ющая;
ра́дуйся, дух наш устремля́ти к Бо́гу навча́ющая.
Ра́дуйся, серде́ца на́ша моли́твою просвеща́ющая;
ра́дуйся, ти́хое и безмяте́жное жити́е нам да́рующая.

Ра́дуйся, Ма́ти Бо́жия, зе́млю Га́личскую о́бразом
Свои́м охраня́ющая.

Кондак 10

Спасти́ хотя́щи многоскорбны́я лю́ди от бед не то́кмо
во гра́де Га́личе, но и в сто́льном гра́де Москвѣ, и во
иных гра́дехъ, вѣсех и оби́телех, излива́еши благода́ть от
ико́ны Твоея́ Ови́новския всемъ ве́рным, вопи́ющим к
Бо́гу: Аллилу́иа.

Икос 10

Стена́ еси́ ино́ческому ли́ку, Пречи́стая Де́во Мари́е, и
до сконча́ния ве́ка наде́жду несокруши́мую има́мы о
святе́й ико́не Твое́й. Те́мже, Ма́ти Бо́жия, с лю́бовию и
ра́достию зове́м Тебе́:

Ра́дуйся, я́ко чистоте́ и целому́дрию нас навча́еши;
ра́дуйся, я́ко по́мыслы на́ша просвеща́еши.

Ра́дуйся, я́ко се́рдце на́ше к пока́нию направля́еши;
ра́дуйся, я́ко бу́ри искуше́ний отража́еши.

Ра́дуйся, я́ко боле́зни душе́вныя и теле́сныя
исцеля́еши;

ра́дуйся, я́ко жити́е на́ше до́бре устроя́еши.

Ра́дуйся, я́ко припада́ющих к пречестне́й ико́не Твое́й
от вся́ких бед защища́еши;

ра́дуйся, я́ко от собла́знов ми́ра сегó нас огражда́еши.

Ра́дуйся, Ма́ти Бо́жия, зе́млю Га́личскую о́бразом
Свои́м охраня́ющая.

Кондак 11

Пѣние умиленное приими от нас, Всепѣтая Дѣво, на радость даровавшая нам Свою святую икону, да вкѹпе со ангелы и земнородными прославим Бѹга, зовѹще: Аллилуиа.

Икос 11

Свѣтом божественным украсися земля Галичская в явленіи чудныя иконы Твоея Овиновския, тако просвети и нас, ныне зывающих Тебѣ сѣце:

Радуйся, міра всего помощнице;

радуйся, милосердія истѹчнице.

Радуйся, от ангел воспѣваемая на Небесѣ;

радуйся, от вѣрных восхваляемая на землѣ.

Радуйся, похвалѹ міра и утверждѣние;

радуйся, всем скорбящим прибѣжище и заступленіе.

Радуйся, людем страны Галичския благодатное вспоможеніе;

радуйся, злых сердец умягченіе.

Радуйся, Мати Бѹжия, зѣмлю Галичскую образом Своим охраняющая.

Кондак 12

Благодать Твою, Пречѣстая Дѣво, даруй всем сыновѹм и дщѣрем страны нашея, да воспоѣм усердно Бѹгу: Аллилуиа.

Икос 12

Поюще чудеса Твоея милости, явленныя святому Галичскому князю Димитрию Красному, чтѣвшему умиленно икону Овиновскую, молим Тя, Пресвятая Дѣво: не лишѣ и нас милости Твоея, вопиющих тако:

Радуйся, Цѣркве Небесныя красотѹ;

радуйся, Цѣркве земныя похвалѹ.

Радуйся, Ангельскими сонмы воспѣваемая;

ра́дуйся, кня́жеским ро́дом прославля́емая.
Ра́дуйся, в напáстех всемо́щное упова́ние;
ра́дуйся, ико́ну Твою́ чу́дно изъёмшая из пла́мене.
Ра́дуйся, и нас от запале́ния страсте́й сохраня́ющая;
ра́дуйся, ро́су благода́ти низпосыла́ющая.

Ра́дуйся, Ма́ти Бо́жия, зе́млю Га́личскую о́бразом
Свои́м охраня́ющая.

Кондак 13

О, Всепе́тая Ма́ти, прими́ от нас си́е
благодáрственное пе́ние, я́ко лик Твой святы́й на ра́дость
даде́ся всем, вопи́ющим к Бо́гу: Аллилу́иа.

Молитва

О, Пресвята́я Де́во Мари́е, Ма́ти Бо́жия, прими́
многоболéзненное воздыхáние на́ше, и да́руй коему́ждо
проше́нию исполне́ние, скорбя́щим ско́рби облеги́,
оби́димых от оби́д изба́ви, немощны́м и разсла́бленным и
боля́щим здра́вие да́руй, и сохрани́ нас во ве́ки веко́в.
Ами́нь.